

Band X., Nr. 4892, Seite 521-522

Anselm vom Stein der Amman von Munderkingen entscheidet als Schiedsrichter einen Streit Ritter Walters von Emerkingen mit Kloster Marchtal über Vogtrechte in Unter- und Ober-Wachingen und anderen Orten.

Munderkingen, 1296. August 23.

Ich Anshalm vom Staine der amman von Mundrichingen tûn kunt allen den, die nu sint und hernach koment, die disen brief sehent und hõrent lesen, daz die von Ænmærkin her Hainrich und her Walther zwen ritter und Rûdolf ir brûder mit des hern Hermans ir brûder gunst versaztun vor mængen jaren dem probste und der sammunge ze Marhtel die vogtai mit allem rehte als och ander ir hantvesti hant uber niun gûter, diu alsus gehaizzen sint Niderwachingen Oberwachingen Husen Wilenbrunnen¹ Underahun² Buhel Wilær Hundersingen und uber die muli da ze Sulkart. Dar uber sprach her Walter der vor genant ritter von Ænmærkingen, er solti vrævelina us der vogtai uber diu vor genantiu gûter nemen und ander gewaltsæmi da han mit mængerlaie dienste. Des logent der benemte brobst mit der sammunge, des namen si baid-unthalp gemainlich ainen tak gen Mundrichingen in die stat und kamen alsus uberain daz si es liezen an sehs erbær man daz reht dar uber ze sprechende, daz was ainer ain erbær ritter her Rûdolf der vogt von Fridingen, Egelolf von Stuzzelingen und ich selbe Anshalm vom Staine amman ze Mundrichingen, Hainrich Gõldeli, Hainrich von Kirchain und Hainrich Stüephe. Do wir sehse ir baidere rede vernamen, do duht uns rehte und ertailtun och uf unsern ait, daz der dikke genemte brobst und diu sammunge behûbin mit ir hantvesti alder mit lebenden geziugen, daz diu benemte vogtai in stüendi mit allem rehte, ob si daz alsus erziugetin, daz denne der benemte her Walter von Ænmerkingen furbas mit der vogtai uber diu benemten gûeter mit mer ze schaffende hetu. Des was der probst und diu vor genante sammunge berait und wolten die hantvesti haben haizen gelesen. Des uberhûp si do aber der her Walter von Ænmærkingen und verjach offenlich, daz er nihtes nit rehtes an der vogtai uber diu dikke benemten gûeter hetu, wan als diu ander ir hantvesti stüende. Daruber verjach er och umb daz vogtreht, daz dem von Salchenwilære³ ze

¹Billenbrunnen.

²Unterhofen.

³Salchenweiler, ein mehrfach in Verbindung mit Wattenweiler, Ingoldingen, BC, vorkommender Name; vgl. Württembergische Jahrbücher für vaterländische Geschichte, Geographie und Topographie, Stuttgart 1822-63 1880, Suppl.Bd., S. 133.

II

Niderwachingen stat, daz der probst mit der sammunge daz lösen suln ob si went, alsus swie sis lösen, also sulns si si dem hern Walter widergeben ze lösende, swenne er die ander vogtai uber diu niun güter umbe si lösen.

Diz geschach ze Mundrichingen, do von gottes geburt waren tusent zwai hundert seh und niunzeg jar, dar naht an sant Bartholomeus abende. Des ist geziuk: Vriderich der vogt von Buzzen, Ber. von Staine, Herman Sinnikman und Cûnradius sin brüder, C. Senge, Vriderich der suter und ander erbær lute genüge. Das nu diz stæte und furbas ane krieg belibe, so hab ich Anshalm vom Staine amman von Mundrichingen ze ainer geziuknuste und ze ainem offen urkunde und ze ainer vestenunge der stette und der gemainde ze Mundrichingen insigel an disen brief gehenket.

—

Der Textabdruck folgt dem Original.

Siegel abgegangen.

Überlieferung und Publikationen

Lagerort:

Fürst Thurn und Taxis Zentralarchiv in Regensburg

Signatur/Titel des Originals:

KU Marchtal Nr. 51

Überlieferung und Textkritik:

Original. Beglaubigte Abschrift auf Papier [1735]: HStA Stuttgart B 475 Bü 56.

Regesten:

Urkunden Obermarchtal, S. 80, Nr. 112.

Weitere Angaben

Überlieferungsart:

Ausfertigung

Beschreibstoff:

Pergament

Sprache:

Deutsch

Ausstellungsort:

Munderkingen

Aussteller:

Hunders

Ortsindex:

Altsteußlingen Wohnplatz (16761)

Altsteußlingen, Ehingen (Donau), UL

Billenbrunnen Wüstung (23900)

Billenbrunnen, Munderkingen, UL, W

Bussen Wohnplatz (17717)

Bussen, Uttenweiler, BC

Bühl Wüstung (26378)

IV

Bühl, Uttenweiler, BC, W
Emerkingen Wohnplatz (16806)
Emerkingen, UL
Friedingen Wohnplatz (17344)
Friedingen, Langenenslingen, BC
Hausen am Bussen Wohnplatz (16825)
Hausen am Bussen, UL
Hundersingen Wohnplatz (21067)
Hundersingen, Herbertingen, SIG
Kirchen Wohnplatz (16783)
Kirchen, Ehingen (Donau), UL
Munderkingen Wohnplatz (16884)
Munderkingen, UL
Obermarchtal Wohnplatz (16905)
Obermarchtal, UL
Oberwachingen Wohnplatz (17727)
Oberwachingen, Uttenweiler, BC
Rechtenstein Wohnplatz (16926)
Rechtenstein, UL
Salchenweiler
Sauggart Wohnplatz (17730)
Sauggart, Uttenweiler, BC
Unterhofen Wüstung (23982)
Unterhofen, Uttenweiler, BC, W
Unterwachingen Wohnplatz (16969)
Unterwachingen, UL
Weiler Wüstung (26382)
Weiler, Uttenweiler, BC, W